


Konseitu Xave husi Makroekonomia



Workshop La'o Hamutuk kona ba Analiza Orsamentu Jerál Estadu no
Prosesu Monitorizasaun iha Timor-Leste
Loron Datolu, 14 Maiu 2021

Introdusaun

Objetivu husi sesaun ida ne'e:

- Hatene konseitu báziku balun husi makroekonomika, hodi bele halo analiza ba asuntu diversifikasaun ekonómiku bazeia ba dados.
- Hametin kompriensaun OJE, liu husi hasa'e kapasidade atu konsidera kontextu no impaktu ekonómiku bainhira analiza OJE.
- Iha sesaun tuir mai, ita sei haree hamutuk dados no indikadór makroekonomiku relevante husi Timor-Leste no rejaun.

Saida mak Ekonomia?

Oinsá mak sosiedade uza, jere, no fahe ita nia rekursu sira?

Ekonomista balu haree katak asuntu ekonomia ketak husi asuntu sosiál, kultura, no polítika.

Maibé, iha realidade imposivel atu haketak asuntu ekonómiku husi realidade hirak ne'e.

Indikadór ekonómiku hametin ita nia koñesimentu, maibé la bele troka análize luan liu.



Atividade no desizaun ekonómiku akontese iha fatin hotu, inklui iha uma laran, iha dalan, iha tasi....

Kreximentu Ekonomia

Dala ruma, ukun-na'in, ekonomista no jornalista sira refere ba Produtu Internu Brutu (PIB) ka *Gross Domestic Product* (GDP) atu sukat situasaun ekonomia iha rai laran.

PIB hatudu valór husi produtu/sasán no servisu ne'ebé halo iha rai laran durante tinan ida.

Maioria Ekonomista sira hanoin katak bainhira GDP sae (kreximentu ekonomia), bem estar povu mós sae.

Realidade katak GDP falta atu inklui atividade ekonómiku barak, no la refleta realidade.

Bainhira ita avalia ekonomia ida bazeia ba PIB de'it, falta atu haree:

- Se mak hetan benefísiu?
- Oinsá mak impaktu ba rekursu naturais?
- Kreximentu sustentável ka lae?
- Oinsá ho fornimentu servisu báziku?

Kreximentu Ekonomia

Konsidera ezemplu rua ne'e:

Nasaun A :

Governu planu atu dezenvolve setór produtivu, liu liu setór floresta. Atu atrai investimentu husi kompañia sira, Governu halo mudansa ba Lei ba Rai atu hafasil atividade floresta iha rai protejadu. Governu konsege atrai kompañia balu mai rai laran atu loke kompañia floresta, no esporta ai ba rai liur. Rendimentu husi atividade floresta enkoraja ema barak atu abandona toos no buka servisu iha setór ida nee, no rai agrikultura barak mak sai plantasaun floresta nian.



Nasaun B:

Governu decide atu promove atividade iha setór produsaun kímiku industrial. Setór ida nee emprega ema barak ho saláriu ne'ebé di'ak. Atu promove investimentu liu tan iha setór ida nee, Governu implementa regras lisensamentu ambientál ne'ebé ladún rigorozu no taka matan ba fábrica sira ne'ebé soe fo'er kímiku iha mota laran. Komunidade hakfodak haree ikan barak mak mate, no kazu kankru aumenta.



Tuir imi nia hanoin, PIB nasaun rua nee sei sae ka lae?


Tanba sá?

Akontesimentu/impaktu seluk saida mak importante?

Kreximentu Ekonomia

Kontribuisaun Setorál ba 'naun mina' PIB *per capita*

Presu atuál, dolar 2015, kada ema




Gráfiuku husi La'o Hamutuk bazeia Relatóriu Konta Nasional husi DGERDTL 2000-2019 no estimizasaun husi DGE ba 2020. Maiu 2021

Setór saida mak sae durante periodu ida ne'e?

Setór saida mak tuun?

Saida mak Timoroan 820,000 ho idade 15-64 nia servisu?



Atividade saida mak maioria ema halo?

Persentajen hira husi populasaun servisu iha setór formal?

Sasukat Pobreza

Iha meius barak atu sukat kiak no moris di'ak iha sosiedade iha, ne'ebé uza dadus diferente.

Lina Pobreza Absolutu Internasionál:

Bazeia ba kustu ai-haan no sasán mínimu ne'ebé ema presiza

$$= \$1.90/\text{loron}$$

Lina Pobreza Nasional:

Bazeia ba konsumu báziku (ai-han, uma, buat seluk).

Rekoñese katak ema barak mak partisipa iha agrikultura subsistensia.

Avalia ema nia kapasidade atu hasoru nesiedade sira, ho osan ka meius seluk.

Sasukat Pobreza (2)

Sasukat pobreza bazeia ba rendimentu ka konsumu iha limitasaun, tanba moris di'ak la'ós kompostu husi osan ka hahán de'it.

→ **Pobreza Multi-Dimensional (Multidimensional poverty index)**

Sasukat Pobreza Multidimensional konsege haree ba aspetu barak liu tan, maibé la haree ba dadus individuú.

Iha uma kain ida, ema bele hasoru kondisaun ne'ebé diferente, no sira nia rekursu ekonomia mós bele diferente.

Nune'e mak ema balun hatete katak ita presiza kalkula pobreza bazeia ba individuú.


→ **Individual Measure of Multidimensional Poverty**

IDM esforsu sukut pobreza multi-dimensional, no haree ba diferença bazeia ba jéneru, idade, étniku, defisiénsia, nsst.

Iha sesaun tuir mai, ita sei konsidera rezultadu husi sasukat hirak nee iha TL. Molok haree ba estatística sira, tuir imi nia hanoin, métodu saida mak di'ak liu atu hatene pobreza no bem estar iha Timor-Leste?

A breakdown of multidimensional poverty

Three dimensions of poverty by 10 indicators



Source: Global Multidimensional Poverty Index 2018 | UNDP

Igualdade no Dezigualdade ekonómiku

Dezigualdade iha rendimentu ka rekursu atuál

Diferensa iha rendimentu

Diferensa iha valór husi ema nia sasán/propriedade

Dezigualdade iha oportunidade

Dezigualdade iha sistema edukasaun (mane Vs feto; ema ho defisiénsia Vs ema la ho defisiénsia; sidade Vs areia rurais)

Dezigualdade iha rekursu báziku

Diskriminasaun iha vaga servisu

Infrastrutura ne'ebé ajuda ema balu de'it bele uza dalan, transportasaun nsst

Setór Privadu no Públiku



Setór Privadu : kompañia privadu

Setór Públiku : atividade sira ne'ebé jere husi Governu.

Ekonomista barak preokupa ho kreximentu setór privadu.

⇒ Setór privadu fornese rendimentu ba Governu (liu husi taxa) no kria oportunidade atu sustenta uma laran.

⇒ Bainhira atividade iha setór privadu menus, ne'e katak Estadu nia rekursu ekonómiku bele mós menus.

Iha nasaun barak, Governu deside atu fó responsabilidade ba servisu básiku hanesan eletrisidade, fornimentu bee mós, no edukasaun no saúde ba setór privadu.

Oinsá mak impaktu husi involmentu setór privadu iha servisu básiku? Oinsá mak impaktu wainhira setór privadu internasional mak domina ekonomia ida?

Balansu Komérsiu

Balansu komérsiu hatudu diferensa entre valór sasán no servisu ne'ebé tama (importasaun) no sae (esportasaun) husi nasaun ida.

Tanba sá importante?

- Ajuda ita komprende dependénsia ba importasaun
- Hatudu forsa ka frakeza iha produsaun lokál.


Dependénsia ba importasaun hamosu vulnerabilidade.

Saida mak akontese bainhira osan sae husi TL?



Balansu Komérsiu

Komérsiu Internasionál Sasan iha Timor-Leste



Gráfiku ne'e hatudu komérsiu legál ba sasán de'it.

Oinsá mak ita bele deskreve Balansu Komérsiu iha Timor-Leste?

Diversifikasaun Ekonomia

Diversidade ekonómiku mak hanesan ezisténsia atividade no setór ekonómiku oi-oin.

- Produktu
- Tipu indústría
- Kompañia
- Fatín atu fa'an (nasaun)

Diversidade importante atu asegura katak:

- Ladún vulneravel ba xoke ba setór ida, ka rekursu ne'ebé sai maran (ezemplu: mina no gas)
- Ekonomia sustentável liu
- Oportunidade ba ema barak liu

Maibé, ita presiza konsidera mós valór lokal no valór sosiál husi atividade ekonomia. Produsaun iha setór saida mak iha bele ajuda resolve problema malnutrisaun, nsst? Saida mak dí'ak ba povu nia moris, la'ós ba 'sasukat ekonomia' deit?

Indústría tersiária



Indústría sekundária




Indústría primária



Diversifikasaun Ekonómiku (2)

Estadu Kazu husi estudu La'ó Hamutuk nian publika iha tinan 2021 hatudu **dezafiu ba indústría transformadóra produktu agrikultura.**



Oinsá mak ita bele deskreve dezafiu sira? Iha razaun iha nivel estrutura ba dezafiu sira?

Pergunta no Komentáriu